

6. gr.

Nú veldur nemandi vandræðum í skóla með hegðun sinni. Ber þá umsjónarkennara að leita orsaka og reyna að ráða bót á, m. a. með viðtölum við nemandann og forráðamenn hans. Ef viðleitni kennarans ber ekki árangur, skal hann vísa málinu til skólustjóra, sem kannar það frá öllum hliðum.

Geti skóli og heimili ekki í sameiningu leyst vandann, vísar skólustjóri málinu til fræðslustjóra til sérfræðilegrar meðferðar. Forráðamönnum nemandans skal tilkynnt sú ákvörðun án tafar, hafi hún ekki verið tekin í samráði við þá.

Meðan málið er óútkljáð getur skólustjóri vísað nemandanum úr skóla um stundarsakir, enda hafi hann tilkynnt forráðamönnum nemandans og fræðslustjóra þá ákvörðun.

Ákvarðanir samkvæmt þessari grein skulu teknar í samráði við kennararáð (kennarafund) og kennara þess nemandans, sem hlut á að máli.

7. gr.

Pegar máli nemandans er vísað til fræðslustjóra samkvæmt 5. eða 6. gr. tekur hann málið til meðferðar og beitir sér fyrir skjótum úrbótum í samráði við skólanefnd og sálfræðipjónustu.

Til þess að einstaklingsrannsókn á nemandans og högum hans fari fram skal samþykki forráðamanna nemandans að jafnaði áskilið. Réttur forráðamanna til að hafna slíkri sérfræðilegri meðferð takmarkast þó við það sem leiðir af ákvæðum laga, sbr. 6. gr. grunnskólalaga og lög nr. 53/1966, með áorðnum breytingum, um vernd barna og ungmenna.

Fræðslustjóri sker úr málum nemandans, sem vísað er til hans samkvæmt þessari reglugerð. Vilji forráðamenn nemandans ekki hlíta úrskurði fræðslustjóra getur hvor aðili um sig vísað málinu til barnaverndarnefndar.

8. gr.

Reglugerð þessi, sem sett er samkvæmt 54. gr. laga nr. 63/1974, um grunnskóla, öðlast þegar gildi.

Menntamálaráðuneytið, 6. desember 1975.

Vilhjálmur Hjálmarsson.

Birgir Thorlacius.

Staðfesting forsetans á skipulagsskrá fyrir varasjóð Sparisjóðs Fáskrúðsfjarðar, Fáskrúðsfirði, útgefin á venjulegan hátt að mandatum af dómsmálaráðherra 3. desember 1975.

Skipulagsskráin er þannig:

SKIPULAGSSKRÁ

varasjóðs Sparisjóðs Fáskrúðsfjarðar, Fáskrúðsfirði.

1. gr.

Sjóðurinn heitir: Varasjóður Sparisjóðs Fáskrúðsfjarðar. Sparisjóður Fáskrúðsfjarðar var stofnaður 28. júní 1922 og starfaði til 30. maí 1974.

2. gr.

Stofnfé sjóðsins er vara- og húsbýggingarsjóður Sparisjóðs Fáskrúðsfjarðar, eins og hann var þegar útibú Landsbanka Íslands yfirtók rekstur sparisjóðsins eða um kr. 4 500 000.00 — fjórar og hálf milljón króna.

3. gr.

Tilgangur sjóðsins er að veita styrki til framfara- og menningarmála á Fáskrúðsfirði.

4. gr.

Stjórn sjóðsins skipa eftirtaldir fimm aðilar: Sýslumaður Suður-Múlasýslu, sóknarprestur Kolfreyjustaðarprestakalls, útibússtjóri Landsbanka Íslands, Fáskrúðsfirði, sveitarstjóri Búðahrepps og hreppstjóri Búðahrepps.

5. gr.

Styrkveitingar úr sjóðnum fara fram, þegar stjórn sjóðsins telur ástæðu til, þó ekki oftár en einu sinni á ári. Má úthluta allt að fjórðu fimmtu hlutum árstekna hans. Hinn hluti teknanna skal leggjast við höfuðstólinn, sem aldrei má skerða.

Nú telur sjóðstjórnin eigi ástæðu til að ráðstafa þeim hluta ársteknanna, sem veita má til styrkja samkvæmt næstu málsgrein hér á undan, og getur hún þá annað hvort lagt tekjurnar við höfuðstólinn eða geymt þær til síðari úthlutunar, en þó eigi lengur en tvö ár.

6. gr.

Allt fé sjóðsins skal ávaxtað í útibúi Landsbanka Íslands, Fáskrúðsfirði og skal útibúið annast reikningsfærslu fyrir sjóðinn eftir fyrirmælum sjóðstjórnar, enda náist samkomulag þar um.

7. gr.

Endurskoðendur sjóðsins skulu kosnir þannig: Hreppsnefnd Búðahrepps kýs einn mann og sýslunefnd Suður-Múlasýslu einn mann. Skulu þeir kosnir af hverri nýkjörinni hreppsnefnd og sýslunefnd, og skal kosning þeirra gilda jafnlengi og viðkomandi hrepps- og sýslunefnd situr. Reikninga sjóðsins skal senda árlega til eftirlitsmanns opinberra sjóða.

8. gr.

Leita skal staðfestingar forseta Íslands á skipulagsskrá þessari, og hún birt í B-deild Stjórnartíðinda.

REGLUGERÐ**um kennarafulltrúa í fræðsluráðum o. fl.**

1. gr.

Auk þeirra fræðsluráðsmanna, 5 eða 7, sem landshlutasamtök sveitarfélaga kjósa til setu í fræðsluráði, skulu eiga rétt til setu í ráðinu með málfrelsi og tillögurétti þessir aðilar:

- a) Þrír fulltrúar settra eða skipaðra kennara, þ. á m. skólastjóra við grunnskóla í umdæminu, tilnefndir á þann hátt sem nánar er mælt fyrir um í reglugerð þessari.
- b) Framkvæmdastjóri landshlutasamtaka sveitarfélaga eða fulltrúi hans í forföllum.